



FC ACADEMICA

SINCE 2013 SARAJEVO

Poštovani roditelji,

Zadovoljstvo nam je poželjeti vam dobrodošlicu u veliku porodicu Fudbalskog kluba ACADEMICA! ACADEMICA je osnovana 2013. godine i od tada do danas dijelom naše akademije i našeg kluba postalo je mnogo dječaka i djevojčica. Neki su se zadržali kratko, neki duže, a neki su čitav svoj omladinski staž proveli u našim crveno-crnim bojama. Bez obzira na vrijeme provedeno sa nama svi oni su zauvijek ACADEMICA – jednom ACADEMICA, uvijek ACADEMICA!

Bez obzira da li vaše dijete ima pet, sedam, 10, 12 ili 16 godina, mi smo adresa na kojoj će pronaći svoj tim. ACADEMICA uključuje sve uzrasne kategorije, od predtakmičara, preko cicibana, pjetlića i predpionira, do pionira i kadeta. Učestvujemo u lokalnim oficijalnim takmičenjima u organizaciji Fudbalskog saveza Kantona Sarajevo, turnirima u organizaciji prijateljskih škola i klubova širom Bosne i Hercegovine, kao i van njenih granica kada to okolnosti dozvoljavaju.

Naš trenerski tim čine profesionalci koji već nekoliko godina rade sa djecom i omladincima različitih uzrasta, treneri koji su educirani i licencirani da rade u fudbalu/nogometu. Pored toga, svi oni su educirani i u drugim srodnim ili manje srodnim oblastima i sa sobom donose svoja jedinstvena životna iskustva i karijere.

Fudbal/nogomet je naš medij društvene promjene: naša misija je izgradnja samopouzdanja kod mladih ljudi – kroz fudbal/nogomet. Uvjereni smo da naš projekat može u potpunosti zadovoljiti fudbalske i sportske razvojne potrebe vašeg djeteta, ali iznad svega želimo ostati trajno lijepa uspomena vašeg djeteta i vas kao roditelja zbog brušenja socijalnih vještina koje se neminovno dešava u bilo kojoj zdravoj sportskoj sredini, a čemu mi pridajemo poseban značaj.

ACADEMICA dolazi iz Sarajeva. U Sarajevu žive kreativni i zanimljivi ljudi. Zato je naša obaveza igrati kreativan i zanimljiv fudbal/nogomet. Takav fudbal/nogomet je ofanzivan, napadački orijentisan. To je fudbal/nogomet koji mi nastojimo igrati. Kada god je to moguće.

Uvjereni smo da će fudbalske potrebe vašeg dječaka biti zadovoljene u našoj Akademiji. Vjerujemo da je ovo početak jedne lijepe avanture koja će nas odvesti ko zna gdje. Dobrodošli!

UČI, IGRAJ, POBIJEDI!

Hvala Vam na povjerenju!

F.C. ACADEMICA

Kolodvorska 7, Sarajevo. 71000, TEL +387 61 25 13 13, EMAIL academica@academica.ba
ID broj 4201926660004, TRN 1610000110420058, Kod Raiffeisen Bank DD Bosna i Hercegovina

academica.ba

